

春秋穀梁傳

冊三

春秋穀梁傳卷十一

晉豫章太守順陽范

寧集解

明後學東吳金

蟠較訂

文公

九年春毛伯來求金

傳求車猶可求金甚矣

凱曰求俱不可在喪尤甚不稱使者天子當喪未君

也

夫人姜氏如齊

歸寧

二月叔孫得臣如京師

傳京大也。師衆也。言周必以衆與大言之也。

辛丑葬襄王。

傳天子志崩。不志葬。舉天下而葬一人。其道不疑。

也。志葬。危不得葬也。不得備禮葬。日之甚矣。其不葬之。

辭也。王室微弱諸侯無復往會葬。

晉人殺其大夫先都。

三月。夫人姜氏至自齊。

傳卑以尊致。病文公也。夫人行例不致。乃以君禮致。刺公寵之過。

晉人殺其大夫士穀及箕鄭父。

傳稱人以殺。誅有罪也。鄭父累也。

楚人伐鄭。

公子遂會晉人宋人衛人許人救鄭。

夏狄侵齊。

秋八月曹伯襄卒。

九月癸酉地震。

傳震動也。地不震者也。震故謹而日之也。穀梁說曰大臣

盛將動有所變

冬楚子使蔣來聘。

○蔣子遙反或作蔣左氏作椒

傳楚無大夫。無命其曰蔣何也。以其來我襄之也。

秦人來歸僖公成風之襚。

傳

秦人弗夫人也。

言秦人弗以成風爲夫人故不言夫人。

卽外之弗

夫人而見正焉。

見不以妾爲妻之正。

葬曹共公。

○共
音恭

十年春王三月辛卯臧孫辰卒。

夏秦伐晉。

楚殺其大夫宜申。

僖四年傳曰楚無大夫而今云殺其大夫者楚本祝融之後季連之胄也而國近南蠻遂漸其俗故棄而夷之今知內附中國亦轉強大故進之○胄直又反

自正月不雨。至于秋七月。

傳歷時而言不雨。文不閔雨也。不閔雨者。無志乎

民也。

及蘇子盟于女栗。

女栗某地。蘇子周
卿士。○女音汝。

冬狄侵宋。

楚子蔡侯次于厥貉。

厥貉某地也。
○貉亡白反。

十有一年春。楚子伐麇。

○麇九
倫反。

夏叔彭生會晉卻缺于承匡。

承匡
宋地

秋曹伯來朝。

公子遂如宋。

狄侵齊。

冬十月甲午叔孫得臣敗狄于鹹。

傳

不言帥師而言敗何也。

據僖元年公子友帥師敗莒師于麗獲莒拏稱

帥師○鹹音咸麗力知反拏女居反

直敗一人之辭也。一人而曰敗。

何也以衆焉言之也。

言其力足以敵衆

傳曰長狄也。兄弟

三人佚宕中國。

佚猶更也

瓦石不能害。

肌膚堅強瓦石打過不能虧損

叔孫得臣最善射者也。射其目，身橫九畝。廣一百步。

爲一畝九畝。五丈四尺。斷其首而載之。眉見于軾。兵車之軾高三尺三寸。

賢遍反。然則何爲不言獲也？據莒拏言獲。曰：古者不重

創，不禽二毛，故不言獲爲內諱也。不重創恤病也。不禽二毛敬老也。

也。仁者造次必於是，顛沛必於是。故爲內諱也。既射其目，又斷其首，爲重創鬢髮白爲二毛。○創初

羊反。造七報反。僞。其之齊者，王子成父殺之，則未知

其之晉者也。

十有二年春，王正月，邾伯來奔。

音成邾。

杞伯來朝。

僖二十七年稱子。今稱伯。蓋時王所進。

二月庚子子叔姬卒。

傳其曰子叔姬貴也。公之母姊妹也。

同母姊妹。

其一傳

曰許嫁以卒之也。男子二十而冠。冠而列丈夫。三

十而娶。女子十五而許嫁。二十而嫁。

禮二十而冠。冠而在丈夫。

之列。誰周曰國不可久無儲貳。故天子諸侯十五而冠。十五而娶。娶必先冠。以夫婦之道。王教之本。

不可以童子之道治之。禮十五爲成童。以次成人。欲人君之早有繼體。故因以爲節。書稱成王十五。

而冠。著內則云。女子十五而笄。說曰。許嫁也。是故

男自二十以及三十。女自十五以及二十。皆得以嫁娶。先是則速。後是則晚。凡入嫁娶。或以賢淑。或

以方類。豈但年數而已。若必差十年。乃爲夫婦。是廢賢淑。方類苟比年數而已。禮何爲然哉。則三十

而娶三十而嫁。說嫁娶之限。蓋不得復過此。爾故
婦年三十無室。書稱曰。鰥。周禮云。女子年二十未
所嫁者。仲春之月。奔者不禁。奔者。不待禮聘。因媒
請嫁而已矣。甯謂禮為夫之姊妹。服長殤。年十九
至十六。如此。大男不必三十而娶。女不必二十而嫁
明矣。此又士大夫之禮。○冠。江渙反。誰在遙反。笄。
古兮反。禮為于
僞反。長丁丈反。

夏。楚人圍巢。

秋。滕子來朝。

秦伯使術來聘。

術秦大夫

冬。十有二月。戊午。晉人秦人戰于河曲。

河曲晉地

傳不言及秦晉之戰已亟。故略之也。亟，數也。夫戰必有曲直，以

一人主之。二國戰，關數曲直，不可得詳。故略之。不言晉人及秦人戰。亟，去冀反。

季孫行父帥師，城諸及鄆。

傳稱帥師，言有難也。旦反。難，乃。

十有三年春，王正月。

夏五月壬午，陳侯朔卒。

邾子貜條卒。

○貜，其居反。條，直居反。

自正月不雨，至于秋七月。

大室屋壞。

屋者主於覆蓋明廟不都壞。○大音泰傳皆同。

傳大室屋壞者有壞道也。譏不修也。大室猶世室

也。世世有是室。故言世室。周公曰大廟。爾雅曰室有東西廂曰廟。伯禽曰

大室。羣公曰宮。爾雅曰宮謂之室。室謂之宮。然則其實一也。蓋尊伯禽而異其名。

禮宗廟之事。君親割。割牲。夫人親春。春桑盛。敬之至也。

為社稷之主。而先君之廟壞。極稱之。志不敬也。極稱。

言屋壞不復依違其文。

冬公如晉。

衛侯會公于沓。

沓地也。○沓徒各反。

狄侵衛。

十有二月己丑。公及晉侯盟。還自晉。

傳還者。事未畢也。自晉。事畢也。

鄭伯會公于棐。

棐。鄭地。

十有四年春。王正月。公至自晉。

邾人伐我南鄙。

叔彭生帥師伐邾。

夏五月乙亥。齊侯潘卒。

○潘。浦干反。

六月公會宋公陳侯衛侯鄭伯許伯曹伯晉趙盾癸酉同盟于新城。

新城
宋地

傳同者有同也。同外楚也。

秋七月有星孛入于北斗。

傳孛之爲言猶彗也。其曰入北斗斗有環域也。據

于大辰及東方皆不言入此言入者明斗有規郭入其魁中也劉向曰北斗貴星入君之象也彗星亂臣之類言邪亂之臣將並弑其君○彗步勿反之臣將並

公至自會。

晉人納捷菑于邾弗克納。

傳是郤克也。其曰人何也。微之也。何爲微之也。長

轂五百乘。縣地千里。長轂兵車四馬曰乘。一乘甲士三人。步卒七十二人。五百

乘。合三萬七千五百人。縣猶彌漫。○蓄側其反。過宋鄭滕薛。入于乘之

國。欲變人之主。夔猶遠也。變人之主。謂時郤已立。纓且邾小國而言千乘者。大郤克

之事。○夔至城下。然後知何知之晚也。征不廟。算況盛反。

勞師遠涉。乃至城下。邾以義拒。弗克納。未伐而曰。然後方悟。貶之曰。人不亦宜乎。弗克納。未伐而曰

弗克何也。弗克其義也。義非力不足。勝捷蓄晉出也。纓

且齊出也。姊妹之。子曰出。纓且正也。捷蓄不正也。正逸。適丁歷。

反

九月甲申。公孫敖卒于齊。

傳奔大夫不言卒而言卒何也

父出奔莒後不言

卒爲受其喪不可不卒也其地于外也

公孫嬰七年

卒于齊地然則地或踰竟或踰竟八年仲遂卒于垂

所則不地者皆非其常所隨其所在而書其地

耳不係於踰竟與不踰竟○爲于僞反

齊公子商人弑其君舍

傳舍未踰年其曰君何也成舍之爲君所以重商

人之弑也

殺者非弑也則商人其不以國氏何也

四年衛州吁弑其君完不言公子

不以嫌代嫌也

春秋以正治不

舍不宜立有不正之嫌商人專權有當

舍之不日

何也。未成爲君也。

宋子哀來奔。

傳其曰子哀失之也。言失其氏族不知何人。

冬。單伯如齊。

單伯魯大夫。○單音善。

齊人執單伯。

傳私罪也。單伯淫于齊。齊人執之。

齊人執子叔姬。

傳叔姬同罪也。

十有五年。春季。孫行父如晉。